

amore Conditoris elanguit, ei sitiens in cœlesti gloria copulari, qui pro nobis ut agnus innocens in cruce voluit immolari. Aureo viridique colore chrysoprasus juxta proprietatem sui nominis suspiria exprimit fidelium pro fidei veritate agonizantium, et ad cœli palatia toto amore festinantum. Denique beatus Audioenus multifarie suspirans in prolongatione sui incolatus, in electorum ordine pontificum supra cœli solium sublimatur. Cœruleo colore hyacinthus sereno perspicuus et gratus, nubilo obscurus et marcidus beato præsuli coaptatur, qui cœlestis Jerusalem civium congaudens prosectibus, miserorum utpote piissimus pater condolet afflictionibus. Illis namque conjubilat æternæ gratulationis tripudio, istis assidue concurrit pie consolationis remedio.

7. Purpurea specie amethystus violaceo roseoque colore permistus sanctorum cernuam designat humilitatem, et sub hujus mundi tribulatione insuperabilis patientiae virtutem. Beatus ergo præsul Audioenus humilitatis gratia præcluis, patientiae constantia fortis, virginitatis privilegio sublimis, ad

A cœlestis Agni convivium intronissus, perpetuo gratulatur, et inter pudicitiae choros canticum novum in citharis modulatur. Taliter beatus Audioenus fide catholicus, sermone luculentus, actione magnificus, pretiosissimam virtutum gemmis decoratus, cœlestis fabricæ ædificio coaptatus, et inter summos Christi pontifices stola jucunditatis indutus mirifice coronatur. Ergo, sanctissimi Patris imitatores estote, filii, ut cum eo æternæ hæreditatis sortem valeatis adipisci. Ejus fidei unitatem secemini, et contra hæreticæ pravitatis argumenta vehementer armemini. Castimoniæ puritatem diligite, quia pastor vester, ut templum fieret Conditoris, assidue carnem macerandi illibati servavit iura pudoris. Per iter justitiae et veritatis incedite, ut ipso prævio duce cœlestis B Jerusalem portas valeatis introire. Adsit nobis pariter pia sanctorum intercessio, quorum bodie festivam recolimus mentionem, ut eorum promerente suffragio, aula cœlestis mereamur ascribi collegio, largiente Domino nostro Iesu Christo, qui cum Patre et Spiritu sancto vivit et regnat Deus per omnia sæcula sæculorum. Amen.

ANNO DOMINI MCXVII

ANSELMUS

SCHOLASTICUS ET CANONICUS LAUDUNENSIS

NOTITIA

(Casimir OUDIN, *De Script. eccles., tom. II, pag. 936*)

Anselmus Laudunensis Ecclesiæ canonicus, ac postea decanus, florebat anno 1100, sub finem saeculi undecimi. Iste enim Anselmus Laudunensis et frater ejus Radulphus duo babebantur clarissima Galliae lumina, teste Saresberiensi, atque omnium ore et prædicatione celebabantur. Unde Guibertus, abbas de Novigento, ita de Anselmo loquitur in *Præfatione ad Bartholomæum Laudunensem episcopum*: *Indidit tanto Deus capiti duos oculos sideribus clariores, dum a dextris habes Anselmum, totius Latini orbis magisterio præclarum, cuius tam sincera est in Scripturarum ac fidei assertione severitas, ut stures viros suis probetur documentis fecisse catholico, quam instituisse potuerit erroneus quispiam temporis hujus hæreticos: altrinsecus Radulfum, etc.;* et lib. iii *De vita sua: Magister Anselmus, vir totius Francia, imo totius Latini orbis lumen in liberalibus disciplinis et tranquillis moribus. Non ita tamen de Anselmo sentiebat Petrus Abælardus, qui hoc circiter tempore ad eum accedens, ut theologiae præce-*

*C*ptis informaretur, quid de illo sentiret, ita in epistola Calamitatum suarum exprimit: *Accessi ad hunc senem, inquit, ex magis longævus usus quam ingenium vel memoria famam comparaverant; ad quem si quis de aliqua quæstione pulsandum accederet incertus, redibat incertior. Mirabilis quidem erat in oculis auscultantium, sed nullus in conspectu quæstantium. Verborum usum habebat mirabilem, sed sensu contemptibilem, ratione vacuum. Cum ignem accenderet, domum suam sumo implebat, non luce illustrabat. Ita scribebat Abælardici ingenii ostentatio, cum sodalium contemptu, præceptorum obtrætatione et suggillatione, quorum gloriam et famam imminuere et deprimere gloriebatur, eisque in omnibus, de quibus in scholis contentio esse poterat, adversari. Anselmus hic anno 1112 opposuit se solus et contra Laudunenses canonicos, electuidi Gualdrici in Laudunensem episcopum, velut hominis incapacis, qui juxta synchronum Laudunensem canonicum, in litteratura nihil valens, omnino litera-*

tos respectui habens, milites super omnes diligebat, proterius pariter et presumptuosus. Sic autem deista Gualdrici electione Guibertus abbas de Novigento, testis oculatus, lib. iii, cap. 4 : Mortuo Ingelvano, inquit, cum biennio vacasset Ecclesia Laudunensis, tandem Guadricum erigunt, quem regis Anglorum referendarium, quem auro argentoque uiderant opulentum. Ante quam electionem, duo Ecclesie archidiuconi per mutuas eligenitum contentiones in cathedralm fuerant electi, Gualerus scilicet et Ebalus, sed apostolicæ sedis iudicio sunt electi. Spe igitur falsissima concordorum, electus ille prædictus a clero, Ingelvano primum elaborante et ceteris malo suo admittentibus, Rothomagi a rege Anglorum de curia contra canones expeditur, qui nequaquam hujus electionis incertus, quod sub nullius ecclesiæ titulo erat, nec quidquam sacri ordinis præter clericatum accepere, factione egit, ut e vestigio subdiaconus fieret, et canonicum in Ecclesia Rothomagensi suscepere, cum hactenus sese omnino militariter habuisset. Cum igitur omnes assensum in ejus susceptione dedissent, solus magister Anselmus, vir totius Francie, ino Latini orbis lumen in liberalibus disciplinis et tranquillis moribus, ab ejus electione dissensit. Aliquot post mensibus periit Gualdricus, trucemque populi in maectando episcopo rabiem describit idem Guibertus cap. 8. Qui postquam explicita quæ fronte, quo se furore cives in eum Laudunenses irruerint, quomodo fuga saluti consulere conatus sit, et tandem in angiportu clericalis claustrum ante dominum Godefridi capellani substiterit, subjicit : Cum eis miserabilissime supplicaret, jurejando ipsis astruere volens, se nunquam deinceps ipsorum episcopum futurum infinitas eis pecunias præbiturum, de patria recessurum : oinnesque contra obfirmatis animis insultarent, unus nomine Bernardus, cognomento de Bruciis, elevata bipenni sacrum, quamvis peccatoris, verticem truculenter excerebrat. Qui cum laberetur inter tenentium manus, antequam decideret, ab altero sub ocularibus per medium nasi ex transverso percussus, occubuit. Ibi pessundato et tibiae conciderunt, et vulnera plurima indiderunt : itaque exslopatus ad nudum, in angulum ante capellani sui domum projicitur. Deus meus, quis retexat, quot in jacente a transuentibus sunt ludibria jacta verborum, quot globorum iactibus, quot suxis est corpus oppressum ? Hæc rabies, hæc episcopi indigni funesta mors, quæ inimicos etiam ad commiserationem movit, inter cætros magistrum Anselmum Laudunensem, qui medias inter furentium turbas, eum ad sepulturam extulit. Rem quoque istam idem Guibertus describit cap. 10, ad Anselmi Laudunensis commendationem, postquam fusa funestum ecclesie, ornamenti, palatii, aliorumque templorum incedium prosecutus est. In crastino, inquit, quoniam nemo erat pene qui jacens episcopi cadaver sine jactu aut probro seu maledicto præteriret, de sepultura vero nullus cogitaret, magister Anselmus ad tragediæ hujus auctores preces fudit, ut hominem vel qui episcopi nomen et insigne habuerat, sinerent quoque humari. Vix annuntiavit. Quia ergo nudus ad terram canina quadam vilitate a vespertinis feriæ quintæ horis, teritam crastinæ dici horam usque jaccerat, jubetur tandem a magistro levari, et salbano superjecto ad Sanctum Vincentium deportari. Delatus ad ecclesiam nihil prorsus offici, non dico quod episcopo, sed quod Christiano competeret, in exsequiis hubuit. Paulo ante in eadem ecclesia occisus fuerat Gerardus de Siriciaco, princeps et castellanus Laudunensis, ejusque sanguine respersum fuerat pavimentum : et tunc magister Anselmus Laudunensis Ecclesie decanus, vir scientia celeberrimus, quibusdam secreto colloquiis pronuntiisse fertur, illam sanguinis effusionem nonnisi ejusdem ecclesie concrema-

tione diluendam esse, cum tantum scelus non aqua, sed potius igne esset expiandum. Quod et contigit haud ita multo post. Hæc de vita et humanitate Anselmi Laudunensis Ecclesie decani et ornamenti:

Scripsit multa, de quibus loquuntur sed minus recte, Bellarminus ad annum 1077, quo jam florebat, et Labbeus in opere suo *De Scriptoribus ecclesiasticis*, verbo *Anselmus Laudunensis*. Attribuunt illi *Glossam ordinariam*, de qua dubium nullum est. Item *Commentarium in Evangelium divi Matthæi*, quod habetur impressum in editionibus antiquis Operum sancti Anselmi Cantuariensis archiepiscopi, Colonie anno 1573, apud Maternum Cholidum, et sequentibus omnibus editionibus, usque ad eam quam Lugduni procuravit Theophilus Raynaudus in fol., anno 1630, extraneis in *Scripturam sacram commentariis expurgatam*. Habetur tom. I, incipitque : *Liber generationis*, etc. In ipso exordio ostendit quod de humanitate Christi sit acturus, etc. B At hic commentarius non sapit stylum vel genium sæculi XII nascentis, quo florebat Anselmus Laudunensis; unde alii volunt hunc commentarium in Matthæum, inter Anselmi Opera impressum, spectare ad Petrum Babionem, Anglium, qui florebat anno 1360, teste Possevino tomo II *Apparatus sacr.*, pag. mihi 240. Hoc autem noscere et experiri quisquam facile poterit, si voluerit, nam indubius Petri Babionis commentarius cum proprio auctoris nomine, habetur ms. in Regia Galliarum Bibliotheca, codice 4123, qui incipit : *Dominus ac Redemptor noster ad commendationem evangelicæ fidei, Evangelium voluit non solum omnibus prædicari*, etc. Quomodo incipit prologus dicti Commentarii quem edit Theophilus Raynaudus, in editione sua Operum divi Anselmi. Alli volunt hunc commentarium spectare ad Guillelmum de Arvernia Parisiensem episcopum circa annum 1240. Verus autem commentarius Anselmi Laudunensis in Matthæum habetur in eadem Bibliotheca Regia cod. 3819, incipiens, *Evangelium Graece, Latine bonum nuntium interpretatur*, etc. Inscriptus, ex ignorantia exscriptoris. Magistri Anselmi de Montelaonis Remensis archiepiscopi; ubi legendum De Montelaonis, vel *De monte Lauduno*, ut Latine loquuntur, qui nunquam Remensis archiepiscopus fuit (1).

Eidem attribuuntur *Homiliae sexdecim in nonnulla loca Evangeliorum*, quæ etiam habentur ibidem inter Opera S. Anselmi Cantuariensis episcopi, veterum editionum et novæ etiam Parisiensis anni 1675, apud Ludovicum Billaine, cura et studio Gabrielis Gerberon, monachi Benedictini.

Item *Commentarius in Canticæ cantorum*, in editata antiqua editione Operum divi Anselmi Cantuariensis archiepiscopi, tomo I, fol. 184, cuius initium : *In initiis librorum causæ dicenda sunt, quomodo vel quare compositus sit liber iste*, etc.

Denique *Commentarius in Apocalypsim* ibidem tomo II, fol. 583, cuius initium : *Deus et Dominus Pater, prævidens persecutions quas, etc. Habetur quoque cum expresso nomine Anselmi Laudunensis in bibliotheca Colbertina, cod. 5117, et anonymous in bibliotheca Galliarum Regia, cod. 4513, fol. 52, post opus Hugonis de Miramars, Carthusiani Montis Rivi. Hæc de scriptis.*

Oibi anno 1117 celeberrimus ille scholæ magister Anselmus canonicus Ecclesie Laudunensis et decanus, tum multorum discipulorum undequaque ad se convolantium doctor eximus, sepultusque est Lauduni in ecclesia Sancti Vincentii extra urbem. Illum autem in serie decanorum primum collocat Lucas Dacherius in notis ad Guibertum abbatem de Novigento. Docuit Lutetiae primum et Lauduni postea per quadraginta et amplius annos, unde eum collocat Bellarminus ad annum 1077 in libro suo

asseritur. Vide infra col. 1181. Egit.

(1) *Commentarium in Matthæum ab auctoribus Benedictinis Gallæ litteraræ Anselmo Laudunensi*

De scriptoribus ecclesiasticis, qui et ad mortem usque theologiam publice professus est. Inter alios vero lectionum suarum auditores habuit hosce viros insignes et magistros : Guillelmum Campellensem, qui et ipse magisterii dignitate et munere perfunctus, ad Catalaunensem episcopatum promotus est; Petrum Abælardum, Albericium Rhavensem, qui Bituricensis postea archiepiscopus fuit; Lothulfum Novariensem, Gaufridum Britonem, qui anno 1111 Rothomagensi archiepiscopatu præfectus est; Philippum postea factum ordinis Præmonstratensis canonicum, et Bonum Spei in Hannonia abbatem; Radulphum et Guillelmum, qui in Cantuariensi sede sibi invicem successerunt. De Guillelmo Cantuariensi ita scribit Hermannus monachus, qui Ecclesie Laudunensis combustæ instaurationem descripsit : Nos itaque assumpto dominæ nostræ pheretro atque reliquiis, Cantuariam venimus, ubi tunc erat archiepiscopos D. Willielmus, nobis notissimus : quoniam jamdudum pro audienda lectione magistri Anselmi Laudunensis petens, multis diebus in eis scopi domo manserat, ibique filios Radulfi cancellarii regis Anglorum docuerat. Iste nempe Guillelmus de Corbolio, natione Gallus, cognominatus de Chiche, anno 1123 ab Henrico I, Angliae rege archiepiscopatu Cantuariensi donatus, praceptor fuerat filiorum Radulfi, ejusdem regis cancellarii, viri in regno Anglicano potentissimi : qui, ut scribit Joannes Brompton, viginti annis infirmitate decoctus, in curia nichilominus ad omnia scelera juvete promptior erat, innocentes opprimens, et multas sibi terras diripiens. Cautè porro distinguendus Anselmus Laudunensis decanus ab aliis duobus Anselmis Laudunensibus, eodem tempore viventibus, quorum alter et primus cognomento Beessus, unus et thesaurarius Ecclesie Laudunensis, qui sub prætextu probatis et pietatis, deceptis diu canoniciis, non exiguum gemmarum partem quibus sacrae crucis diebus solemnioribus ornabantur, furatus, aurificibus tradidit et vendidit. Qua de re scribit auctor ille qui Laudunensis Ecclesie instaurationem describit, magistrique Anselmi decani de Anselmo ista ferre judicium his verbis refert : Protinus ergo generalis

A conventus canonicorum et civium convocatur quid opus sit facto discutitur : et præ omnibus magister Anselmus, tunc temporis totius orbis lucerna constituit. Ille, ut divinæ legis peritissimus, continuo Josue replicat historiam, quomodo scilicet furtum in servalio sciente factum, Dominus jusserrit sorte perquiri : primo per tribus, deinde per familias, ac domos, ad ultimum signillatum per viros. Instar hujus tam subtilis perquisitionis, consulti magister Anselmus, ut tanti facinoris auctor judicio aquæ perquireretur, ac singulis urbis parochiis unus insans innocens in vase aquæ benedicte replete poneretur : et quæcumque parochia forte culpabilis reperiaretur, de singulis domibus ejusdem parochie unus insans in vase aquæ ponetur : et quæcumque domus deprehensa fuisset, omnes riri vel semina ad eam pertinentes, judicio aquæ se purgare cogerentur. Posterior denique Anselmus fuit abbas S. Vincentii Laudunensis, ex monasterio Sancti Medardi Suessionensis anno 1131 cooptatus, cum religiose, docte ac prudenter monasterium suum annos plus minus septemdecim rexisset, atque, ut inquit Laudunensis scriptor, pro utilitate ejusdem cœnobii Romam protectus fuisset : demum a clericis Tornacensibus ibi repertus, in episcopum electus est, et a domino papa Eugenio invitatus et reluctans, obedientiae vinculo constrictus, pontifex consecratus est : sicque per eum Tornacensis Ecclesia antiqua dignitas restituta, anno ab Incarnatione Domini 1145. Haec paulo latius de Anselmi Laudunensis doctrina, virtute, aliisque dotibus, quem primum saeculo xi illabente ac xii inchoante, sacras in Galliis litteras excitasse, scholas theologicas aperuisse, narrant scriptores antiqui omnes. Plura de illo tanquam theologorum principe conveniebat dicere, de quo Bellarminus et Labbeus locis supra citatis. Antonius Possevinus, in *Apparatu sacro* t. I, pag. seu fol. 86. Et quem paucis additis vel mutatis hoc transcripsimus, ordine tamen ad nostrum institutum convenientiori, Cæsar Egassius Bullæus saeculo iv. *Historia Universitatis Parisiensis*, ad annum 1101, fol. 9; ad ann. 1112, fol. 53; denique ad annum 1116, fol. 46 et 47.

NOTITIA ALTERA.

(*Histoire littéraire de la France par des religieux bénédictins, t. X, p. 470.*)

I. — Vita.

Ansel ou Anselme de Laon, surnommé le Scholastique, naquit à Laon ou dans les environs, avant le milieu du xi^e siècle, de parents pauvres et réduits à cultiver la terre, *de pauperibus et rusticinis* (1). Jamais il ne perdit de vue son origine ; et cette vue lui inspira toute sa vie un fonds de modestie qui releva insinuement les excellentes qualités de cœur et d'esprit qu'il apporta en naissant. On ne sait rien des premières années de sa jeunesse. D. Dachery (2) croit qu'il fut envoyé dans l'abbaye du Bec, pour y étudier sous saint Anselme. Ce qui favorise cette conjecture, c'est qu'on voit dans son commentaire sur saint Matthieu, qui n'est qu'un tissu de textes choisis des saints Pères, qu'il en avait principalement tiré des ouvrages d'Anselme de Cantorbery son maître : *Ubi multa præcipue ex*

D'Anselmo Cantuariensi magistro suo congesit. Mais, en quelque endroit qu'Anselme ait fait ses études, il en fit de fort bonnes ; et il se rendit capable en peu de temps d'enseigner à Paris avec Manegolde, docteur célèbre, qui fut depuis chanoine régulier, et premier supérieur du monastère de Morlac en Alsace, dont on le regarde comme le fondateur. C'est peut-être la raison qui a fait croire à Baronius qu'Anselme était originaire de Paris.

Anselme commença à y donner des leçons vers l'an 1076, au plus tard, s'il est vrai qu'il ait enseigné soit à Paris, soit à Laon, pendant plus de quarante ans, c'est-à-dire jusqu'à la fin de ses jours (3). C'est là l'époque du rétablissement des lettres dans cette capitale et de la théologie. Anselme y fit revivre, selon l'expression du pape Eugène III, les lettres et l'étude de l'Écriture sainte

(1) Petrus Cantor., *Verb. abbrev.*, c. 47, p. 125.

(2) Not. in Guibert., p. 641, c. 60.

(3) Pagi, t. IV, ad an. 1117; Bul. an. 1116, p. 47; Mariot, *Metrop. Rem.* t. II, p. 285, 289.